

Naqqiut

02.11.22-meersoq taarserpaa

Qanoq iliorluta kulturitoqarput aallaavigalugu tamat oqartussaaqataanerannik sanarfinnitsinni inuttaasut peqaatinneqarnerat sunniuteqaqataanerallu pitsaanerpaamik qulakkeersinnaaneripput pillugu apeqquteqaat aallaavigalugu oqallinnissamik siunnersuut

(Medlem af Inatsisartut Mariane Paviassen, Inuit Ataqtigiit)

Akissuteqaat

(Naalackersuisut Siulittaasuat)

Siullermik Naalackersuisut Mariane Paviassen, Inuit Ataqtigiit, oqallisissiaanut soqutiginaartumut qujarusupput.

Oqallinnissamik siunnersuusiortup uani oqallinnissamut innuttaasut qanoq akuutinneqarnissaat qulakkeerneqarsinnaanersoq immikkullu ILO 169 nunatsinni aatsitassarsionermi ingerlatsinissanut innuttaasunik akuutitsinermi qanoq paasineqassanersoq.

Danmarkip nunarsuarmioqtigiit aalajangersagaat ILO 169 akuersissutigereernerata kingorna Danmarki aamma Kalaallit Nunaata - taamani Namminersornerullutik Oqartussaasa - akuersissutigaa aalajangersakkap paasineqartarnera malillugu Danmarkimi nunap inoqqaavinik inoqartoq, tassaasullu Kalaallit Nunaanni nunap inoqqaavi (Inuit).

Namminersornermut inatsisip aallaqqaasiutaani inuiaat kalaallit inuiattut akuerisaapput aamma inuiaasut nunat tamat akornanni inatsisit naapertorlugit namminersornissamut pisussaaffeqartut.

Namminersorlutik Oqartussat inatsisitigut akisussaaffiit Kalaallit Nunaanut attuummassuteqartut annertuut akisussaaffigalugit ingerlatilernikuuvaat. Namminersorlutik Oqartussat – tassuunalu inuiaat kalaallit – akisussaaffinnut taakkununga inatsisiliortuullutillu oqartussaasuupput, nunarsuarmioqtigiinnut akisussaaffeqarluni aamma inatsisit tunngaviusut namminersornermullu inatsit sinaakkutigalugit.

Naalackersuisut oqallinnissamik siunnersuuteqartoq isumaqatigaat, innuttaasut aatsitassanut tunngasunik suliniutinut pitsaanerpaamik akuutinneqarnissaat anguniarneqartariaqartoq.

Naalackersuisuniit siunertaraarput aappaagu aatsitassanut inatsisip nutarsarneqarnissaanut siunnersuummik saqqummiussissalluta aammalu annikitsumik aatsitassarsionermut inatsisissaq saqqummiutissallugu.

Tassunga atatillugu nammineerluta innuttaasunik akuutitsineq qanoq iluseqassanersoq aalajangersartussaavarput taamatullu nunat tamat akornani aalajangersakkat inatsimmi nunatsinni malitsinneqarnissaat aalajangersaaffigissallugu.

Naalackersuisuniit qilanaaraaput oqallisisissiatut siunnersuutip naleqartitavut aallaavigalugit innuttaasunik akuutitsinissaq Inatsisartuniit qanoq ilusilersorneqarsinnaanersoq tusassallugu tamatumami aappaagumut inatsisissatut siunnersuutissanut tapertaalluassammata.